



**UNIT KOMUNIKASI KORPORAT  
JABATAN PERIKANAN MALAYSIA  
BERITA PERIKANAN HARI INI**

**26 Julai 2021**  
**16 Zulhijjah 1442h**

| SENARAI AKHBAR               | TAJUK                                                                                                              |
|------------------------------|--------------------------------------------------------------------------------------------------------------------|
| Utusan Malaysia              | <ul style="list-style-type: none"><li>Piranha cuba dilepas di Malaysia?</li></ul>                                  |
| Berita Harian                |                                                                                                                    |
| Harian Metro                 |                                                                                                                    |
| Kosmo !                      |                                                                                                                    |
| Sinar Harian                 | <ul style="list-style-type: none"><li>Penyakit kulit jangkiti jerung di Sabah bukan sebab faktor manusia</li></ul> |
| The Star                     |                                                                                                                    |
| New Straits Time             |                                                                                                                    |
| Nanyang Siang Pau            |                                                                                                                    |
| Malaysia Gazette             |                                                                                                                    |
| Harakah                      |                                                                                                                    |
| Malaysia Dateline            |                                                                                                                    |
| Bernama                      |                                                                                                                    |
| See Hua Daily News (Kuching) |                                                                                                                    |
| Guan Ming Daily              |                                                                                                                    |
| Sin Chew Daily               |                                                                                                                    |

| JENIS AKHBAR               |   |                   |  |                |  |                   |  | MUKA SURAT | TARIKH |
|----------------------------|---|-------------------|--|----------------|--|-------------------|--|------------|--------|
| UTUSAN MALAYSIA            | / | KOSMO !           |  | THE STAR       |  | NANYANG SIANG PAU |  |            |        |
| BERITA HARIAN              |   | SINAR HARIAN      |  | THE SUN        |  | ORIENTAL DAILY    |  |            |        |
| HARIAN METRO               |   | NEW STRAITS TIMES |  | THE MALAY MAIL |  | PELBAGAI          |  |            |        |
| KATEGORI LIPUTAN : POSITIF |   |                   |  | NEGATIF        |  | NEUTRAL           |  |            |        |

## Piranha cuba dilepas di Malaysia?

**PUTRAJAYA:** Jabatan Perikanan Malaysia (DOF) memberi amaran kepada orang awam agar tidak sekali-kali cuba melepaskan ikan tertentu atau bukan asli ke perairan umum di negara ini.

Ini termasuk enam spesies piranha yang merupakan ikan air tawar berbahaya dari Amerika Selatan serta berupaya membunuh manusia apabila dalam situasi ancaman atau tertekan.

Menerusi infografik disiarkan akaun sosial agensi tersebut, spesies itu ialah keluarga Genus dari jenis *Serrasalmus*, *Serrasalmus*, *Pygocentrus*, *Catopristis*, *Pygopristis* dan *Pristobrycon*.

Ikan berkenaan dipercayai dipelihara secara haram oleh penggemar hidupan marin kerana ia bukan haiwan semula jadi negara ini dan kemungkinannya besar diseludup masuk dari luar.

Bagaimanapun, mereka kemudian cuba melepaskan ikan asing itu ke kawasan tasik, sungai atau parit apabila tidak mahu lagi memelihara spesies itu atas faktor kos makanan mahal.

"Sekiranya ikan lasak ini dilepaskan di perairan umum, ia membawa implikasi gangguan kepada keseimbangan biodiversiti, habitat dan spesies asli," kata DOF melalui hantaran itu.

Ikan berkenaan juga ujarnya, boleh menjadi dominan apabila cepat membiak menguasai wilayah dan bersifat pemangsa agresif kepada ikan asli yang sedia ada di perairan tempatan.


Pada masa sama, DOF mengingatkan bahawa ikan luar itu menyumbang kepada bawaan penyakit baharu dan punca penyebaran selain penularan wabak dalam perairan domestik.

Selain piranha, spesies tom-bot atau Genus *Hypostomus* yang lazim dirujuk sebagai ikan bandar raya kerana sifat suka makan alga dan membersihkan akuarium juga dilarang dilepaskan.

Turut terdapat dalam senarai itu ialah ikan kap perak (*Hypophthalmichthys molitrix*), kap kepala besar (*Hypophthalmichthys nobilis*) dan kap rumput (*Ctenopharyngodon idella*).

Antara ikan lain ialah ikan naga (*Arapaima*), baung ekor merah (*Hemibagrus wyckiioides*), tilapia (*Oreochromis*) dan dua spesies bawal merah atau disebut pacu (*Colosoma* dan *Mylopus*).

DOF telah mewartakan larangan import ikan itu mengikut Peraturan Perikanan, Akta Perikanan 1985 yang boleh didenda maksimum RM1,000 atau penjara tidak lebih enam tahun.

|                                                                                     |                                                                                |
|-------------------------------------------------------------------------------------|--------------------------------------------------------------------------------|
|  | Genus<br><b>Pygopristis</b><br>Nama Tempatan<br><b>Piranha</b>                 |
|  | Genus<br><b>Pristobrycon</b><br>Nama Tempatan<br><b>Piranha</b>                |
|  | Genus<br><b>Colosoma/Piaractus</b><br>Nama Tempatan<br><b>Pacu/Bawal Merah</b> |
|  | Genus<br><b>Mylopus/Myleus</b><br>Nama Tempatan<br><b>Pacu/Bawal Merah</b>     |

**ANTARA** spesies ikan bukan asli yang dilarang Jabatan Perikanan untuk dilepaskan di perairan Malaysia. - IHSAN DOF

| JENIS AKHBAR       |  |                   |   |                |  |                   |  | MUKA SURAT | TARIKH |
|--------------------|--|-------------------|---|----------------|--|-------------------|--|------------|--------|
| UTUSAN MALAYSIA    |  | KOSMO !           |   | THE STAR       |  | NANYANG SIANG PAU |  |            |        |
| BERITA HARIAN      |  | SINAR HARIAN      | / | THE SUN        |  | ORIENTAL DAILY    |  |            |        |
| HARIAN METRO       |  | NEW STRAITS TIMES |   | THE MALAY MAIL |  | PELBAGAI          |  |            |        |
| KATEGORI LIPUTAN : |  | POSITIF           |   | NEGATIF        |  | NEUTRAL           |  |            |        |


### Penyakit kulit jangkiti jerung di Sabah bukan sebab faktor manusia

**SEMPORNA** - Faktor manusia boleh diketepikan sebagai punca penyakit kulit misteri yang menjangkiti jerung berhampiran lokasi menyelam popular di Pulau Sipadan dekat sini.

Bagaimanapun, ahli biologi Malaysia berpendapat, siasatan lanjut masih perlu dijalankan bagi mencari jawapan muk-

tamad membantu jerung berkenaan.

Ahli biologi marin kanan kumpulan pemuliharaan Reef Guardian, Davies Austin Spiji berkata, pakar marin perlu menjalankan siasatan lanjut berhubung fenomena itu tetapi usaha mereka terhad bagi tempoh jangka pendek kerana beberapa faktor.



Punca jerung di perairan Pulau Sipadan, Sabah dijangkiti penyakit kulit masih dalam kajian.

Menurutnya, kumpulan tersebut juga memerlukan dana untuk menyokong penyelidikan mengenai fenomena yu atau Triaenodon obesus diserang penyakit.

"Satu pasukan penyiasat yang diketuai Universiti Malaysia Sabah (UMS) telah menjalankan kerja lapangan pertama dari April hingga awal Mei lalu," katanya.

Selain Davies, pasukan itu mempunyai lima penyelidik iaitu Dr Mabel Manjaji Matsumoto, Dr Rafidah Othman, Muhammad Ali Syed Hussein, Dr Zarinah Waheed dan Dr Mohd Tamrin Mohd Lal, dari Institut Penyelidikan Marin Borneo UMS (BMRI-UMS).

"Para penyelidik dapat melihat penyakit kulit itu pada setiap kumpulan yu yang ditemukan, tetapi sukar menangkap jerung itu bagi mendapatkan sampel kulit untuk analisis makmal.

Selain Davies, pasukan itu mempunyai lima penyelidik iaitu Dr Mabel Manjaji Matsumoto, Dr Rafidah Othman, Muhammad Ali Syed Hussein, Dr Zarinah Waheed dan Dr Mohd Tamrin Mohd Lal, dari Institut Penyelidikan Marin Borneo UMS (BMRI-UMS).

"Para penyelidik dapat melihat penyakit kulit itu pada setiap kumpulan yu yang ditemukan, tetapi sukar menangkap jerung itu bagi mendapatkan sampel kulit untuk analisis makmal.



DAVIES AUSTIN

"Faktor manusia boleh diketepikan tetapi pemanasan laut antara satu daripada penyebab selepas pasukan penyiasat mendapati suhu permukaan laut di Sipadan meningkat kepada 29.5 darjah Celsius pada Mei iaitu tinggi berbanding tahun 1985.

"Ia mungkin mengambil masa dua tahun untuk dapat memantau sepenuhnya dan menangani fenomena jerung berpenyakit," katanya.

Pulau Sipadan, dengan ketinggian 600 meter dari dasar laut terletak di pantai timur Sabah di Semporna, menghimpunkan sekitar 400 spesies ikan dan ratusan spesies karang.

Yu Sirip Putih, dinamakan sempena ciri *distingtif* warna putih pada hujung siripnya dan ikan itu biasanya terdapat di sekitar terumbu karang dan menjadi tarikan popular bagi penyelam. - *Bernama*